



V CONCURSO DE FOTOGRAFÍA DAS RESERVAS DA BIOSFERA “TERRAS DO MIÑO” E “OS ANCARES LUCENSES”.

INTRODUCCIÓN

Os usos do territorio e os coñecementos tradicionais foron recoñecidos como factores fundamentais para a conservación da biodiversidade e a agrodiversidade. Ademais, outros valores culturais como os de tipo histórico (feitos ou eventos históricos relevantes), lingüístico (contos e lendas, dialectos), artístico (danzas, música tradicional, fotografía de natureza), social (oficios tradicionais, gastronomía), relixioso (romarías e peregrinacións) ou espiritual (ermidas, fontes), merecen ser atendidos polo carácter identitario que supoñen, e por tanto, pola vinculación que favorecen entre as persoas (locais e visitantes) e os obxectivos de xestión do lugar.

Desde o punto de vista da xestión das reservas da Biosfera “Terras do Miño” e “Os Ancares Lucenses”, cabe subliñar que a súa misión non se limita a conservar o patrimonio natural, senón que a xestión debe incorporar a salvagarda dos valores culturais asociados.

Entre os principais ámbitos do patrimonio inmaterial considerados na Convención para a Salvagarda do Patrimonio Cultural Inmaterial da UNESCO (2003), atopáanse os usos sociais, rituais e actos festivos.

Constitúen costumes que estruturan a vida de comunidades e grupos, que reafirman a identidade de quen os practican. Están estreitamente vinculados con acontecementos significativos (como poden ser os cambios de estación ou as faenas agrarias). Inclúen desde ritos de culto e transición, a sistemas xurídicos consuetudinarios, cerimoniais estacionais ou prácticas de caza, pesca e de recolección. A devandita Convención do 2003 privilexia os usos sociais específicos, que están especialmente vinculados a unha comunidade e contribúen a reforzar o seu sentimento de identidade e continuidade co pasado.

Por todo anterior, e como vén sendo costume, dende a Deputación de Lugo organizárase este Concurso de Fotografía, que terá como fío condutor para este ano 2018: “FESTAS POPULARES, TRADICIONAIS DE INTERESE TURÍSTICO NAS RESERVAS DA BIOSFERA TERRAS DO MIÑO E OS ANCARES LUCENSES”, segundo as seguintes:

BASES

PRIMEIRA

Poderán optar ao premio todas as persoas maiores de idade que estean interesadas, con obras que non fosen premiadas con anterioridade.

SEGUNDA

As fotografías presentadas realizaranse no territorio da Reserva da Biosfera “Terras do Miño” e “Os Ancares Lucenses”, tendo como temática “FESTAS POPULARES, TRADICIONAIS DE INTERESE TURÍSTICO NAS RESERVAS DA BIOSFERA TERRAS DO MIÑO E OS ANCARES LUCENSES”. Neste particular cómpre aclarar a que se refire este título: preténdese que nas instantáneas se amosen festividades tradicionais, vinculadas cos costumes que estruturan a vida de comunidades e grupos e que reafirman a identidade de quen os practican. Como é coñecido, existe unha multitude de festividades e conmemoracións ao longo da xeografía das dúas Reservas da Biosfera que están estreitamente vinculadas con acontecementos que celebran e recordan valores culturais, como os de tipo histórico (feitos ou eventos históricos relevantes), lingüístico (contos e lendas, dialectos), artístico (danzas, música tradicional, fotografía de natureza), social (oficios tradicionais, gastronomía), relixioso (romarías e peregrinacións) ou espiritual (ermidas, fontes), etc...

TERCEIRA

Establécense 3 premios en metálico do seguinte xeito:

1º premio: 800 Euros.

2º premio: 500 Euros.

3º premio: 300 Euros.

Os criterios a valorar serán: composición, orixinalidade e calidade estética da imaxe, tendo en conta que a valoración numérica sobre 10 de ditos criterios é a seguinte:

Composición: 3

Orixinalidade: 4

Calidade estética: 3

CUARTA

Poderase presentar unha fotografía por autor/a.

A obra para concurso será presentada sen montar, sen enmarcar e sen passe-partout, e poderá ser realizada en branco e negro ou en cor. A fotografía terase que presentar do seguinte xeito:



DEPUTACIÓN DE LUGO

Entregarase un CD-ROM coa imaxe en formato TIFF, modo de cor RGB. O arquivo terá un tamaño mínimo de 15 Mb. No mesmo CD-ROM deberá existir unha copia da fotografía cun tamaño aproximado de 1,2 Mb comprimidas co formato JPEG (.jpg) en modo de cor RGB.

Será necesario acompañar unha copia da fotografía en papel fotográfico cun tamaño de 24 x 30 cm., ocupando a imaxe a totalidade do papel sen ningún tipo de marco.

A fotografía deberá levar no dorso o título ou lema, e acompañarase dun sobre pechado que inclúa o nome e apelidos do autor/a, data de nacemento, enderezo, teléfono, correo electrónico, título da obra e lugar onde se realizou. O devandito sobre levará no exterior o título ou lema da fotografía presentada.

O autor deberá cumprimentar a declaración responsable, ANEXO I, na que se recolla expresamente que é autor do traballo presentado e que o mesmo é inédito. Así mesmo deberá constar consentimento expreso para que a Excma. Deputación Provincial de Lugo poida publicar e expor o traballo presentado.

Co fin de garantir a imparcialidade na resolución do concurso, o sobre non terá identificacións persoais, e xunto co sobre presentarase no Rexistro o ANEXO II modelo identificativo para cumprir coa normativa vixente, que será custodiado pola Unidade de Rexistro.

QUINTA

O concurso será publicitado mediante a páxina web da Deputación Provincial, onde se atopará toda a información para a participación no concurso, bases e documentos necesarios.

O prazo de presentación de fotografías comezará ao día seguinte á publicación no B.O.P de Lugo da presente convocatoria e bases, e rematará o vindeiro 1 de setembro de 2018.

As fotografías deberanse presentar no Rexistro Xeral da Deputación Provincial de Lugo, Rúa San Marcos, 8, C.P. 27001, Lugo, indicando no sobre “CONCURSO DE FOTOGRAFÍA DAS RESERVAS DA BIOSFERA TERRAS DO MIÑO E OS ANCARES LUCENSES”.

SEXTA

O xurado estará formado polo Presidente da Deputación Provincial de Lugo ou persoa en quen delegue, un técnico do Servizo de Medio Ambiente, un técnico da Fundación TIC, e un técnico do órgano xestor das Reservas da Biosfera. Ademais convidarase ao gañador da edición anterior a formar parte do xurado.

O concurso non poderá declararse deserto, agás no caso de que non se presenten candidatos ou os presentados non reúnan os requisitos esixidos nas bases reitoras da convocatoria.

A decisión do xurado será dada a coñecer directamente aos premiados e farase pública no cuarto trimestre de 2018.

SÉTIMA

As fotografías presentadas a concurso deberán ser inéditas e realizadas polo participante. Este será o único titular dos dereitos de autor fronte a terceiras persoas. Ademais, os concursantes responsabilizaranse dos consentimentos e permisos necesarios para usar as imaxes obtidas.

Os autores das obras premiadas cederán a favor da Deputación Provincial de Lugo todos os dereitos patrimoniais destas, en especial os dereitos de exposición, publicación e calquera outros relacionados coa difusión, citando sempre o nome do autor. Estes dereitos estenderanse a un período total de trinta anos.

O pago destes dereitos entenderase comprendido na dotación económica dos premios do certame.

Os autores poderán empregar os traballos premiados co consentimento da Deputación Provincial de Lugo.

A Deputación Provincial de Lugo poderá publicar ou expor os traballos premiados e non premiados que se consideren de calidade, tanto fisicamente como on-line.

En ningún caso se devolverán as fotografías aos participantes no concurso.

OITAVA

A participación neste concurso supón a aceptación íntegra destas bases.